

Kasurat olih: Edward Hughes

Kaperagayang olih: Lazarus
Alastair Paterson

Ka tempa saking: Ruth Klassen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.


Perarem: Ida dane dados nerjemahang utawi nyalin carita puniki,
nanging nenten dados ke adol.



Makudang-kudang tiban ane suba lewat, tentara ane meperang ngelawan Yudea, ngejuk liu pesan kaulan Ida Sang Hyang Widi ane lakar ka angkut abane ke Babel. Tongos ane joh uli umahne, anak-anak Yahudi ento katongosan di sisin tukad Kebar.



Sedek dina anu Ida Sang Hyang Widi ngicen dane Yehezkiel sipta jati. Ida Sang Hyang Widi nyinahang kemulian Ida ne melantaran sinar ane galang pesan, di tengah-tengah ne ada ngenah mirip teken gomatap-gomitip. Asing-asing ngelah mua patpat lan kambid masi patpat. Duur ne ada mahkota safir ane luwih, kebekin sinar mengkilap cara bianglala. Rikala dane Yehezkiel ningalin unduke ento, lantas dane nengkluk metedoh.



Ida Sag Hyang Widi ngandika ring dane Yehezkiel. “Ulun ngutus cening ke tengah-tengah bangsa Israel. Tekedang sabdan Ulune teken ia makejang, uli krana ia dadi bangsa ane demen brontak.” Salah tungalin tangane ngisi gulungan buku nyujuh dane.

“Daar ja gulungan buku ne ene. Sabdan Idane, lan kemoja jani ngomong teken kaum Israele.”


Titah Ida
Sang
Hyang
Widi ento

tawah pesan! Sakewala dane Yehezkiel nuutin, naar buku ne ento lantasi magedi.



Roh Ida Sang Hyang Widi ngangkat lan ngajak
dane Yehezkiel ketemu teken bangsa Yahudi
ane dadi tawanan, ane
ada di sisin tukad Kebar.
Pitung lemeng mekelone
dane negak melengok di
tengah-tengah ipune. Lantas
Ida Sang Hyang Widi nadiang
dane Yehezkiel tukang jaga.
Dane ngingetang anak-anak
ane jaat apange ia
ngidepang sabdan
Widine.






Dane Yehezkiel liu pesan ngelaksanayang paimana ane tawah-tawah apange sabdan Ida Sang Hyang Widi keresepang olih bangsa Israele. Dane ngambar ukiran Yerusalem duur batu bata ne. Mirib liu anake ningalin rikala dane ngambar gambaran pasukan tentara ajake liu nyerbu Yerusalem. Dane ngicen isyarat kota Yerusalem lakar kaserang lan ka uwugan.




Israel, kerajaan ane bedajanan, sing ngidepang Ida Sang Hyang Widi mekelone 390 tiban. Lan Yehuda kerajaan ane ada di bedelodan mekelone 40 tiban. Ento krana bangsa Israele laku ka ancurang lan Yehuda laku enggal runtuh. Ida Sang Hyang Widi nitahang dane Yehezkiel apange dane sirep di sisi ane kebot 390 lemeng mekelone, lan disisi ane tengawan 40 lemeng, buat ngingetang mongken mekelone bangsa Israel suba idup madosa.



Mirib liu anak ngaden dane Yehezkiel anak ane tawah. Dane ngelaksanayang makejang prentah Ida Sang Hyang Widi. Sedek dina anu, dane nyukur rambut danene lan nunjel ane telung bagian. Nah ento dadi cihna telung pahan anak ane nu nengil di Yerusalem lakar mati uli krana grubug lan kesedukan rikala bangsa Babel nyerang kotane.



Dane Yehezkiel ngambil tigang pahan rambut danene lan tugele aji pedang. Indike ento dadi tanda telung pahan rakyat Isaele lakar mati aji pedang musuh. Telung pahan ane lenan, kasambahang Yehezkiel di angine. Nangin dane nyimpen rambut ne bedik ane simpene di kain pancane dadi tanda Ida Sang Hyang Widi lakar nyaga keselamatanipun di tanah perjanjian.







Sang nabi bani nuturang teken bangsa Yahudi
ane ada di tongos pengungsian lakar
ngalaman keadaan ane nyelekan, tusing
ngeluwungan cara ane kenehange.
Anak-anake ento medihin dane
Yehezkiel, nanging dane
Yehezkiel tetep nartayang
sabdhan Ida Sang Hyang widi.




Sedek dina anu, rikala dane sedeng
negak ajak pemucuk bangsa Israel.
Ida Sang Hyang Widi ngicen
penglihatan teken dane Yehezkiel.
Di penglihatan ne ento, Ida Sang
Hyang Widi ngisi rambut
danene tur ngangkat
abane ke pura agung
bait suci di Yerusalem.




Di tongos mebakti ento, Ida Sang Hyang Widi nyinahang paundukan-paundukan ane serem, buron-buron ane menyii, arca-arca ane tusing cocok ada di tongos anake mabakti ring Ida Sang Hyang Widi.




Para pemimpine demenang mebakti teken para dewane
ketimbang mabakti ring Ida Sang Hyang Widi.



Ida Sang Hyang Widi nyinahang ring dane Yehezkiel, keluwihan Ida Sang Hyang Widi sube ngutang tongos mebakti ne ento lan Ida Sang Hyang Widi lakar nguwugan tongose ento. Sesubane penglihatan ento ilang, Yehezkiel nuturang unduke ento teken anak-anak Yahudi.







Makejang ane kasabdayang Ida Sang Hyang Widi,
makejang kalaksanayang. Yerusalem kauwugan. Liu anak
ane mati. Rikala anak Yahudi ane ade di Babel ningeh
kabare ento, ia ngarepang apange Ida Sang Hyang Widi
gangkat kaulan Idane.




Sakewala Ida Sang Hyang Widi ngicen
bebesen ane melenan teken nabin Idane.
Ida Sang Hyang Widi nuntun dane ke
tongos ane bek misi tulang manusa ane
sube tuh.




“Eh manusa, apeke tulang-tulange ene nyidang buin idup?”
Pitaken Ida Sang Hyang Widi ring dane Yehezkiel. “Nggih Ratu
Aji, Palunggur I Ratu sane ngewikanin.” Atur dane Yehezkiel.
Suba pasti tulang-tulange ento sing nyidang buin idup.




Ida Sang Hyang Widi masabda, “Nubuatang ja tulang-tulang ane suba tuh ene lan orahang kene: ‘Hai tulang-tulang ane sube tuh, padigengehang ja sabdan Widine. Semeton harus idup.’” Rikala ia taat, Yehezkiel ningeh ada suara kresek-kresek. Apeke ane ngranayang ada munyin ne ento?




Sang nabi ningalin paundukan ane tawah, tulung-tulange
ento buin mabesikan.




Lantas tulang-tulang ento kakaput baan daging.




Daging ento kabugkus aji kulit, sakewala ia tonden idup.




Ida Sang Hyang Widi masabda, “Nubuatang ja lan kene bête ngomong ‘Hai angkihan, teke ja mai uli penjuru angine, nafas idup ento nyelepin ia ajak makejang, lantas ia makejang dadi buin idup. Ia lantas majujuk, dadi pasukan tentara ane kuat.’”



Ida Sang Hyang Widi uning anak-anak Yahudi di Babel sing nu ngelah harapan uli kejatuhan Yerusalem. Ida ngirim bebesen melantaran penglihatan dane Yehezkiel. “Tulung-tulange ento tusing ja len makajeng kaum Israel.” Ida Sang Hyang Widi masabda. “Ulun lakar ngutus Roh Ulune lan Ulun lakar nadiang ia idup di tanah pagelahane.”



Ida Sang Hyang Widi wiakti ngicen pengharapan ane luar biasa. Janjin Ida Sang Hyang Widi malantaran nabi Yehezkiel kalaksanayang rikala bangsa Yahudi mulih ka umah ne. Sabdan Ida Sang yang Widi setata mabukti.



Dane Yehezkiel: Manusa Ane Maan Sipta Jati

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Yehezkiel

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

